

Cabutan Bertuah MyDigital ID:

‘Satu ID, Sejuta Peluang’

TERMA DAN SYARAT

1. PENGANJUR

Cabutan bertuah ini dianjurkan oleh My Digital ID Sdn. Bhd. [1547903-K] (“MyDigital ID”).

2. KELAYAKAN

- 2.1. Terbuka kepada warganegara Malaysia berumur 18 tahun ke atas.
- 2.2. Peserta mesti mempunyai sijil Digital ID yang aktif pada waktu penyertaan.
- 2.3. Pekerja MyDigital ID, syarikat sekutu, anak syarikat, agensi pengiklanan, rakan niaga berkaitan serta ahli keluarga terdekat mereka tidak layak menyertai pertandingan ini.

3. TEMPOH PERADUAN

Peraduan berlangsung dari 21 November 2025, jam 8:00 malam hingga 1 Disember 2025, jam 11:59 malam. Penyertaan yang diterima selepas tempoh ini tidak akan dipertimbangkan.

4. CARA PENYERTAAN

- 4.1. Pastikan sijil Digital ID anda aktif.
- 4.2. Imbas kod QR rasmi peraduan.
- 4.3. Isi maklumat yang diperlukan dengan tepat.
- 4.4. Hantar penyertaan sebelum tarikh tutup bagi melayakkan diri untuk cabutan.

4.5. Hanya satu (1) penyertaan dibenarkan bagi setiap individu. Jika terdapat penyertaan berganda, hanya penyertaan pertama yang sah akan diterima dan selebihnya akan ditolak.

5. HADIAH

5.1. Klasifikasi hadiah adalah seperti berikut:

- Hadiah Mega
- Hadiah Utama – Tempat Kedua
- Hadiah Utama – Tempat Ketiga
- Hadiah Utama – Tempat Keempat
- Hadiah Utama – Tempat Kelima
- Hadiah Utama – Tempat Keenam
- Hadiah Utama – Tempat Ketujuh
- Hadiah Saguhati

5.2. Semua cukai, yuran pendaftaran, insurans dan kos berkaitan pemilikan Hadiah Mega adalah di bawah tanggungjawab penuh pemenang.

5.3. Hadiah tidak boleh dipindah milik dan tidak boleh ditukar kepada wang tunai, kecuali atas budi bicara MyDigital ID sekiranya berlaku keadaan tidak terjangka.

5.4. MyDigital ID berhak menggantikan hadiah dengan hadiah lain bernilai sama sekiranya perlu.

6. PEMILIHAN PEMENANG, PEMAKLUMAN DAN PENGUMUMAN

6.1. Pemenang akan dipilih melalui cabutan rawak daripada penyertaan yang layak.

6.2. Cabutan bagi Hadiah Mega dan semua Hadiah Utama akan dijalankan pada 2 Disember 2025 dan disiarkan secara langsung melalui halaman Facebook rasmi MyDigital ID pada jam 9:00 malam.

6.3. Pemenang Hadiah Mega dan Hadiah Utama akan dihubungi menggunakan maklumat yang diberikan semasa penyertaan, dan nama mereka akan diumumkan melalui saluran rasmi MyDigital ID dalam tempoh tiga (3) hari selepas cabutan.

6.4. Pemenang Hadiah Utama mesti memberikan maklum balas antara 2 Disember hingga 4 Disember, sebelum jam 5.30 petang setelah dihubungi, dan wajib hadir secara fizikal pada tarikh majlis penyampaian hadiah yang ditetapkan untuk menuntut hadiah mereka. Wakil tidak dibenarkan.

6.5. Jika pemenang gagal memberi maklum balas atau tidak hadir, hadiah akan dibatalkan dan MyDigital ID berhak memilih pemenang pengganti.

6.6. Cabutan untuk Hadiah Saguhati akan dijalankan pada 5, 6 dan 7 Disember 2025 sepanjang Program “Rancakkan MADANI Bersama Malaysiaku” di Putrajaya dari 9:00 pagi hingga 9:00 malam.

6.7 Pemenang bertanggungjawab sepenuhnya ke atas segala kos perjalanan, penginapan, pengangkutan, dan apa-apa perbelanjaan peribadi lain yang berkaitan untuk menghadiri majlis penyampaian hadiah. MyDigital ID tidak akan menanggung atau membuat bayaran balik bagi sebarang kos tersebut.

6.8. Jadual tarikh majlis penyampaian hadiah adalah seperti berikut:

KLASIFIKASI HADIAH	TARIKH	LOKASI
Hadiah Mega	7 Disember 2025	Program Rancakkan MADANI Bersama Malaysiaku, Hadapan Istana Kehakiman, Putrajaya
Hadiah Utama – Tempat Kedua	7 Disember 2025	Sama seperti di atas
Hadiah Utama – Tempat Ketiga	7 Disember 2025	Sama seperti di atas
Hadiah Utama – Tempat Keempat	6 Disember 2025	Sama seperti di atas
Hadiah Utama – Tempat Kelima	6 Disember 2025	Sama seperti di atas

Hadiah Utama – Tempat Keenam	5 Disember 2025	Sama seperti di atas
Hadiah Utama – Tempat Ketujuh	5 Disember 2025	Sama seperti di atas
Saguhati	5, 6 dan 7 Disember 2025	Sama seperti di atas

6.9. Keputusan MyDigital ID adalah muktamad dan sebarang rayuan tidak akan dilayan.

7. DATA DAN PRIVASI

7.1. Hanya maklumat yang diberikan untuk tujuan penyertaan peraduan akan digunakan.

7.2. MyDigital ID tidak menyimpan atau menjejak aktiviti peribadi peserta selain daripada apa yang diperlukan untuk tujuan pengesahan penyertaan.

7.3. Data peserta akan diuruskan mengikut Akta Perlindungan Data Peribadi (PDPA) 2010.

8. PEMBATALAN PENYERTAAN

8.1. Penyertaan yang tidak lengkap, palsu atau melanggar Terma dan Syarat peraduan akan dibatalkan.

8.2. Peserta yang didapati cuba memanipulasi atau menipu peraduan akan disekat dan boleh dilaporkan jika perlu.

9. SYARAT AM

9.1. Dengan menyertai peraduan ini, peserta dianggap bersetuju dengan semua Terma dan Syarat yang ditetapkan.

9.2. MyDigital ID berhak mengubah, menangguhkan atau membatalkan peraduan pada bila-bila masa tanpa notis awal sekiranya berlaku keadaan luar jangka.

9.3. MyDigital ID tidak bertanggungjawab terhadap masalah teknikal, gangguan internet atau isu lain di luar kawalan yang menjejaskan penyertaan.

9.4. MyDigital ID berhak membatalkan penyertaan yang tidak lengkap, palsu atau tidak mematuhi Terma dan Syarat.

9.5. Dengan menerima hadiah, pemenang bersetuju bahawa nama dan gambar mereka boleh digunakan untuk tujuan publisiti tanpa bayaran tambahan, tertakluk kepada undang-undang.

10. UNDANG-UNDANG TERPAKAI

Terma dan Syarat ini tertakluk kepada undang-undang Malaysia.